



KERATAN AKHBAR

SURAT KHABAR	:	UTUSAN MALAYSIA			
TARIKH	:	30/11/2020	MUKA SURAT	:	30
JABATAN	:	TNB			
KLASIFIKASI	:	PERHATIAN			



ANTARA rumah di Kampung Dusun Umbut, Mukim Kenaboi, Jelebu, Negeri Sembilan yang bakal menikmati bekalan elektrik sepenuhnya menjelang 2022.

Tahun 2022 baru dapat elektrik

Utusan 30/11/2020
m/s 30

Oleh ZAKKINA WATI
AHMAD TARMIZI
utusannews@mediamulia.com.my

JELEBU: Kesukaran kira-kira 120 penduduk di tiga buah kampung di Mukim Kenaboi, dekat sini yang hidup tanpa bekalan elektrik sejak sekian lama, bakal berakhir apabila menerima kemudahan tersebut selewat-lewatnya pada 2022.

Penyediaan kemudahan utiliti berkenaan menerusi projek Bekalan Elektrik Luar Bandar (BELB) Kementerian Pembangunan Luar Bandar melibatkan kelulusan peruntukan berjumlah RM4.1 juta.

Pengerusi Majlis Pengurusan Komuniti Kampung (MPKK) Kampung Chennah, Rosmadi Arif berkata, tiga kampung berkenaan ialah Kampung Chalin, Dusun Umbut dan Kampung



ROSMADI ARIF

Chuang Lebu.

“Buat permulaan, Tenaga Nasional Berhad (TNB) melaksanakan projek BELB membabitkan lima buah rumah di Kampung Chalin, 16 buah di Kampung Dusun Umbut dan sebuah rumah di Kampung Chuang Lebu.

“Tiga buah rumah di Kampung Chalin tidak dapat dilak-

sanakan berikutan jambatan yang menghubungkannya runtuh sejak tahun lalu,” katanya kepada *Utusan Malaysia*, semalam.

Rosmadi berkata, sebanyak lapan buah rumah di Kampung Chuang Lebu pula tidak mempunyai jalan masuk dan perlu dibina jalan sepanjang tiga kilometer terlebih dahulu.

Katanya, masalah jambatan runtuh itu sudah dibawa kepada pengetahuan kerajaan negeri untuk diambil tindakan.

“Ketika ini kebanyakan penduduk menggunakan set solar dan generator bagi mendapatkan bekalan elektrik namun dalam jangka masa terhad.

“Projek yang bakal dimulakan pada Mac 2021 itu diharapkan dapat menggembirakan penyang masih tinggal di kampung itu yang wujud sebelum negara merdeka,” katanya.